



UNIVERSITÄTS-
BIBLIOTHEK
PADERBORN

**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460526

25. De peculio Clericorum.

[urn:nbn:de:hbz:466:1-61800](#)

maiorē eorum partem donavit, & postea liberos suscepit. 1. si inquam 8. C. de Revoc. and. donat. quam legēnī licet Vinnius ad §. 2. Inst. h. t. & Bachov. ad Treutl. Volum. 2. disp. 19. th. 7. lit. E ad solum Patronum, de quo loquitur, ideo restringunt, quia decisio ejus nova est, & jus singularē continet; attamen potius est sententia contraria, quam in praxi legundam esse sententur. Clarus lib. 4. sent. §. donatio q. 22. n. 1. Gail. lib. 1. observ. 40. n. 13. Carpz. lib. 5. Respons. 63. n. 4. & alii, quorum numerum auger Clariſſ. D. Frid. Erneſt. a Someting, ad Inst. h. t. n. 10. ex hac præcipue ratione, quod ex donatis mente hac donatio tacitam conditionem habere intelligatur, ut si liberi ipsi postea nati fuerint, ad se, sūosque liberos, quod donatum est, revertatur: verisimilius enim est, Patrem bona sua, vel partem eorum donaturum non fuisse, si de liberis cogitasse. arg. l. 102 ff. de Condit. & demonstrat. Planè si quis unicum filium habuerit, & donet, revocare donatum non potest, et si decem adhuc supernati fuerint, si quidem in cit. l. si inquam 8. privilegium hoc revocationis illi conceditur, qui liberos non habebat, cessatque ratio revocationis, quod non præsumatur de liberis cogitasse. Brunne- man. ad cit. l. 8. n. 6.

Peculium Clericorum constituunt, hōcque respectu materia testamentorum & successioneis adjicitur.

§. I.

Peculium dicitur, quasi pusilla pecunia. l. 5. §. fin. ff. de Pecul. quam servus, vel filius familias à rationibus Domini, vel Patris separatam haber; cum qua similitudinem habent bona Clericorum, quæ separatim à bonis immediate, & directè ad Ecclesiam pertinentibus possident & propterea etiam rectè à Papa peculium Clericorum appellantur.

§. II.

Dividitur peculium Clericorum in peculium Patrimoniale, quasi Patrimoniale, & Ecclesiasticum, seu prospectu Ecclesiæ acquisitum. Peculium patrimoniale complectitur non tantum ea, quæ veniunt ex hereditate paterna, sed etiam illa, quæ Clericis ex donatione, aliōve simili titulo Laicis communī obveniunt, sive à Patre, sive ab extraneis: item illa omnia, quæ ante statum Clericalem quocunque demum modo acquisita sunt. Peculium quasi patrimoniale comprehendit bona quæ patrimonialia, seu, ut alii vocāt, industria, quæ scilicet Clerici post Clericatum proprio labore & industria, sive profanā, sive spirituali adipiscuntur, puta honesto opificio, contractu, Professura liberalium artium, lectione Missiarum, exceptione confessionum, vel aliorum Sacramentorum administratione, & juxta receptiorem sententiam, quæcumque ex stola acquiruntur, etiam si illi, à quibus accipiuntur, sint Parochiani; quia non tam sunt redditus, quam stipendia laborum Clericalium. Navar. de Reddit. Ecclesiast. q. 1. monit. 19. n. 2. Peculium prospectu Ecclesiæ acquisitum continet illa, quæ recipiuntur ratione Canonici, Decanici, vel alterius beneficii titulō; cujusmodi sunt decimæ, annum stipendium in fixo consistens, aliique redditus, seu proveniens ex bonis Ecclesiæ provenientes.

Ff 2

§. III.

TITULUS XXV.

De Peculio Clericorum.

SUMMARIA.

1. Peculium Clericorum quid i. 2. Quotuplex? 3. Quid jure concessum? 4. usque 8. Quæ res peculio patrimoniali, quæ patrimoniali, aut Ecclesiastico accepienda? 8. Quæ forma? 9. Qui finis peculii clericalis? 10. Et seqq. Quid juris, & quæ disponendi potest as competat Clericis circa peculium?

Hactenus de alienatione rerum Ecclesiasticarum, eaque occasione de Contrahentibus: nunc sequuntur res, seu bona, quæ

§. III.

3 *Causa efficiens peculii Clericalis est Jus præsertim Canonicum, quô singulis Clericis, postquam in commune vivere desierunt, pro sustentatione & dispositione certa aliqua portio est assignata: etenim in principio Ecclesiæ usque ad tempora Simplicii Papæ vivebant omnes Clerici ex Cassa, ac ærario communis, neque quisquam aliud proprium habebat; postmodum verò redditus Ecclesiæ dividabantur in quatuor partes, & prima Episcopo; altera fabricæ Ecclesiæ; tertia Clericis; & quarta pauperibus fuit attributa c. 23. 25. 27. & 28. causa 12. q. 2. quia autem portio pauperum non amplius extat, creditur probabiliter Episcorum & Clericorum portionibus permixta, ac consolidata.*

Clariss. P. Paulus Mezger in Theol. Schol. tom. 3. tr. II. disp. 29. a. 2. n. 5.

§. IV.

4 *Materia, seu objectum peculii Clericorum sunt res, quæ eò pertinent. Quia verò sèpe dubitatur, ad quod genus peculii quid referri debeat, ideo*

Quares I. si Episcopo, vel Parocho aliquid donetur: aut in testamento legetur, an hujusmodi donum, vel legatum inter bona Ecclesiæ, vel bona patrimonialia Clerici computandum sit? q. id pendere ex intentione testatoris vel donatoris, utrum principaliter ipsi Ecclesiæ, num verò personæ Episcopi, aut Parochi donare, vel legare voluerit? sin Ecclesiæ? donum, aut legatum cedit Ecclesiæ; sin personæ? cedit personæ, & peculio patrimoniali permiscetur. c. requisivisti 15. de Testam. In dubio recurrentum est ad conjecturas, quarum prima fluit ex natura rei legata, aut donata: nam si res conveniat usui Ecclesiastico, uti est calix, patena, similisve: tum donum, aut legatum Ecclesiæ intuitu datum, vel relictum censebitur; secus, si persona magis conveniat, ut vestis quotidiana &c.

Menoch. de Presumpt. lib. 3. Presumpt. 27. n. 3. & lib. 4. presumbt. 112. n. 8. & 9. Altera conjectura desumitur ex persona accipienti enim si Clericus nullam administrationem rerum Ecclesiasticarum habeat, ut si aliquis ex Canonis hæres Instituatur, vel ei aliquid legetur, nunquam intuitu Ecclesiæ, sed tanquam amico relictum presumitur: si verò Prælato, ac beneficiato administrationem bonorum Ecclesiæ habenti quidpiam donetur, aut relinquatur, distinguendum erit, an id fiat à perso na conjunctâ, vel de quâ alias bene meritus est talis Clericus, an verò ab extranea? priori calu testator ad personam, posteriori ad Ecclesiam respexisse putatur. d. c. requisivisti 15. de Testam. & ibi Panormit. Corasius lib. 2. Missellian. c. 4. Menoch. cit. presump. 27. n. 3. & 4. Barb. de Officio & potest. Episcop. p. 3. allegat. 117. n. 14. & 15.

Quares II. Cui peculio, seu quibus bonis Clericorum accenserî debeant redditus Capellaniæ vel aliorum beneficiorum simplicium? Ratio dubitandi est, quod ex una parte hujusmodi redditus ex beneficio proficileantur; ex altera autem intuitu certi laboris, puta pro certis Missis, singulis septimanis legendis, dentur. Nihilominus hos redditus cum Navarrò de Reddit. Ecclesiast. q. 1. monit. 30. p. 26 culio prospectu Ecclesiæ acquisito numero propterea: quia non minus, quam alii fructus beneficiorum præcisè intuitu beneficij acquirentur. Nec resert, quod ipsum beneficium certum onus & laborem annexum habeat, quoniam universim decimam & redditus parochiarum, canoniciatum, aut Episcopatum non dantur otiosis, sed Ecclesiæ & Altari servientibus, idque eò magis, quod modò dicta beneficia personalem residentiam, & interessentiam in Divinis officiis requirant, cum tamen Capellani, & alii beneficiati simplices per substitutum defervire queant.

Clariss. P. Paulus Mezger in Theolog. Schol. 148.

b. tom. 3. tratt. II. disputat. 29. artic. 1.

*Quare III. quod referri debeant distributiones quotidianae Canonici Divino officio interessentibus persolvendae? Navarr. d. Monit. 30. n. 2. distributiones quotidianas accenserunt peculio bonorum prospectu Ecclesia acquisitorum; eò quod ex ipsis redditibus Ecclesia sumuntur, adeoque naturam suam retineant, licet modus distribuendi varietur: iubet enim Trident. in sess. 21. de Reformat. c. 3. ut in omnibus Ecclesiis Cathedralibus, ac Collegiatis tertia pars fructuum ordinario rem separetur, atque in distributiones quotidianas convertatur. Sed rectius distributiones quotidianas peculio quasi patrimoniali adnumerant Gonzalez ad Reg. 8. cancell. §. 7. proem. num. 65. Gratianus discept. forens. 1. 38 l. n. 11. Cæsar de Panimoll. decis. 20. anno. 1. n. 4. & seqq. cum citatis: quia licet distributiones quotidianæ ex redditibus Ecclesiæ proveniant, & nonnisi Canonici dentur, non tamen precise ratione Canoniciatus sed propter particulares actus, & labores accipiuntur: unde nec nomine fructuum, sive redditum Canoniciatus comprehenduntur, cum possit Canonicus gaudere fructibus, ut si causa studiorum absit, qui tamen distributiones quotidianas non accipiet *c. univ. de Clericis non resident. in 6.**

Quare IV. Num bona à Clerico relictæ, si non constet, quo titulo ea acquisiverit, pro bonis quasi patrimonialibus, vel pro bonis prospectu Ecclesiæ acquisitiis habenda sint? n. sub distinctione: vel enim constat Clericum præter beneficium fructus aliunde aliqua sive ex patrimonio, sive ex propria industria acquisiti, & tunc presumendum, cum fructus beneficij ad sustentationem suam applicasse, & bonarelictæ consanguineis suis reservasse, ut docet Navar. b. 1. consil. 4. n. 5. vel non constat, unde talia bona provenerint, & tunc præ-

sumendum, ea intuitu Ecclesiæ, & titulō beneficii acquisita esse, ac proinde non Consanguineis, sed Ecclesiæ relicita, nisi contrarium hæredes, vel alii, quorum interest, legitimè probaverint: non facile enim aliter Clericus quid acquirere potest, ne gravi præsumptione oneretur. c. 21. causā 12. q. 1. Covar. ad c. I. de Testament. n. 9. & seqq. Atque hæc eate-nus procedunt, ut quamvis Clericus demos, agros, vel quæcumque bona mobilia, & immobilia emerit, si non constet, quod ex bonis propriis emerit, ex bonis Ecclesiæ compara-ta, & per consequens ad Ecclesiam spectare præsumantur. c. I. & ibi Panorm. c. 4. & ibi Gonzal. b. 1. Mascalcius de probat. concl 200. num. 4.

§. V.

Forma peculii Clericorum potest intelligi ex ejusdem descriptione, & divisione supra n. 1. & 2. traditis.

§. VI.

Finis, ob quem peculium Clericale conces-sum, est, ut Clerici præmio aliquo ad ministerium Ecclesiasticum invitentur.

§. VII.

Effectus peculii Clericalis spectatur in jure & potestate disponendi circa illud, quæ pro ejus, & bonorum eò pertinentium diversitate variat: nam

*Bona patrimonialia, & quasi patrimonia-lio, seu industrialia hodie sunt in pleno, & absoluto dominio Clericorum, posuntque pro libitu de iis ad quoscunque usus disponere, non minus, quam Laici de suis bonis: proinde non tantum inter vivos liberaliter donare, sed etiam testamentum de iis condere. Imò si testamentum nullum faciat, in istis bonis non Ecclesia, sed proximi consanguinei ab intestato succedunt *juxta c. fin. causā 12. q. 5. c. 1. b. 1. c. 9. c. 12. c. 15. de Testa-ment. Lessius lib. 2. de J. & J. c. 4. n. 37. Navar. de reddit. Eccles. q. 1. monit. I 9. n. 2.**

Ff 3

Neque

Neque his obstat, quod dicitur in c. Clericos 6. & 2. seqq. causa 1. p. 2. nefas esse, Clericum divitem Ecclesiæ stipendiis sustentari: utut enim in primitiva Ecclesia nemo ad Ecclesiastica admitteretur, qui omnibus terrenis bonis se non abdicasset; hoc tamen non est divini præcepti. & remissa pristinâ illa rigidiordisciplina evanuit.

¶ 1. Quod attinet bona prospectus Ecclesia acquisita, receptum est, beneficiatos inde congrua sustentationem percipere, & propterea fructus vendere, aut commutare, aut quo-cunque modo de redditibus Ecclesiasticis, quatenus ratio decentis sustentationis exigit, disponere posse, S. Thom. 2. 2. q. 185. art. 7. in Corp. Fagnanus in c. ult. b. t. n. 23. Lessius loc. cit. n. 39.

¶ 2. Gravis & in utramque partem dubio marte agitata quæstio est: an Clerici in redditibus beneficialibus, qui ultra decentem, & statui convenientem sustentationem superfunt, verum dominium, vel usum tantum habeant?

Navarrus deredit, Eccl. q. 2. monit. 7. & Panorm. in t. cum esses 10. de Testam. n. 29. & plurimi alii præsertim ex antiquioribus Canonistis statuunt, dominium omnium honorum Ecclesiasticorum penes Christum esse, & Prelatos, ac Beneficiatos solam administrationem, neque aliud jus habere, nisi decenter inde vivendi, per textus in cap. 1. & 6. causa 12. q. 2. c. fin. causa 16. q. 1. c. 16. de Præbend. c. 28. de Decimis. ubi bona, ac redditus Ecclesiastici dicuntur patrimonium Christi, & proprietas pauperum.

Benignior nihilominus sententia passim inter Theologos obtinuit, quod videlicet Clerici redditum superfluorum dominium, quamvis restrictum habeant. Quam opinionem olim tradidit D. Thom. 2. 2. q. 185. art. 7. & Doctorum animis profundius impressit Trident. sess. 23. c. 1. & sess. 24. cap. 12. de Reformat. dum decernit Clericos diu abs-

que necessitate absentes aut professionem fiduci intra præscriptum tempus emittere negligentes non facere fructus suos. Unde a contrario fortius inferri videtur, quod alii faciant fructus suos, seu dominium eorum acquirant: secus enim nulla fore absentium, & non profitentium pœna, fructus non facere suos. Alii id ipsum colligunt ex c. unie. de Clericis non resident. in 6. ubi absentes sine causa legitima dicuntur distributiones quotidianas non facere suas; sed incaute, quia hæ distributiones à plerisque annumerantur bonis quasi patrimonialibus.

Ad textus in contrarium allatos respondet Haunold. de J. & J. tr. 4. c. 22. contro. 7. n. 74. in illis vel esse sermonem de Superfluis bonis ante factam bonorum Ecclesiasticorum divisionem; vel, si loquuntur de posterioribus temporibus, loqui per quandam exaggerationem, quod pacto etiam divites Laici, pauperibus elemotynam negantes, homicidae pauperum appellantur; vel accipiendos esse de bonis Ecclesiæ, super quibus Clerici tantum administrationem habent, & quorum dominium est penses Ecclesiam.

Licet autem ista ita se habeant, certa tamen omnium omnino Theologorum, & Canonicarum sententia, ac doctrina est, Clericos in conscientia, & sub reatu peccati mortaliteri, bona ex beneficiis Ecclesiasticis provenientia, quæ congruae eorum sustentationi superfunt, in piis dantaxat cauas, seu usus expendere, sive ea obligatio sit ex iustitia, sive ex charitate, aut Religione. Hinc Concilia & SS. PP. gravissime redargunt Clericos, qui de preventibus beneficiorum suorum divitis accumulant, aut splendide, opiparèque, & in deliciis vivunt, vel consanguineos luos ditant, & attollunt, c. 8. c. 26. causa 12. q. 1. c. 59. c. 65. & 66. causa 16. q. 1. Trident. sess. 25. de Reform. c. 1. Atque ictis, & similibus aliis Juris textibus multi ex Theologis & Canonis

suis permoti docent. Beneficiarios præbendarum fructus superfluos male impensis restituere obligari. Laym. in *Theol. moral. lib. 4.* n. 2. c. 3. n. 3. cum Navar. Archidiacono, Panormitano, Majolo, Paludano, alisque, quibus in hoc contradicit Covarruy. ad c. 7. n. 3. de *Testamento*. cuius sententiam in praxi non esse damnandam, asserit Pirthing. h. t. 19.

ta quemadmodum aperiantur. II. Pro scriptura, quâ testamentum describitur: sic enim dicitur testamentum induci, vel cancellari, l. 2. ff. de his, qua in testamento delentur. III. Pro hæreditate in Testamento delata. l. 77. in fin. ff. de Acquir. vel amitt. hered.

§. III.

Definitur testamentum, quod sit voluntatis nostræ justa sententia de eo, quod quis post mortem suam fieri vult. l. 1. ff. *Qui testamentum facero poss.* Clarius: quod sit ultima voluntas, directam hæredis institutionem continens.

§. IV.

Testamentorum de jure antiquo varia fuisse genera, ostendit Imperator in §. 1. & seq. Inst. de *Testam. ordinand.* & ibidem Clariss. D. Frid. Ernest. à Someting. num. 5. quæ tamen antiquata sunt.

Jure novo dividitur testamentum in publicum, & privatum.

Publicum est, quod fide, & authoritate publicâ nititur, estque duplex: *insertum* & *oblatum*. *Insertum* dicitur, quando testator sine ulla solennitate ultimam suam voluntatem precibus insertam Principi offerit, ut ejus fide, & authoritate sustineatur. l. 19. C. b. t. Ubi quamvis nomine Principis veniat Imperator, seu Princeps supremus, nihil tamen prohibet, quod minus testamentum offerri possit ejus Curiae, aut Cancellarie, vel etiam Secretariis, aut Consiliariis à Principe, aut ejus Curia hoc fine ad ægrotum missis, arg. d. l. 19. Clariss. D. Frid. Ernest. à Someting. loc. cit. num. 6. Quin imo idem jus etiam ad Principes inferiores, & status Imperii porrigitur. Mylletus de *Princip.* & statib. Imper. c. 28. num. 1. Testamentum *oblatum*, seu *judiciale* est, quod fit apud acta cujusque Magistratus; ut si Testator voluntatem scriptò comprehensam Judici, aut Municipibus ad se vocatis offerat, ut ad acta referatur. d. l. 19. C. b. t. Atque ita testari licet coram quocunque

Judi-

TITULUS XXVI.

De Testamentis, & ultimis voluntatibus.

SUMMARI A.

1. *Testamenti etymologia.* 2. *Homonymia.* 3. *Definitio.* usque 13. *Divisio.* 13. *Quo jure introducta sit testandi facultas?* 14. usque 31. *Quinam testari possint, qui non?* 31. usque 39. *Quinam possint, aut debent institui heredes?* 39. usque 44. *Allegatur materia testamenti.* 44. usque 53. *Exponentur solennitates testamentorum.* 53. *Quis fit finis testamenti?* 54. usque 62. *Quinam effectus?* 62. & seqq. *Quae contraria?*

Duo exhibet præsentis tituli rubrica; *testamenta videlicet, & ultimas voluntates.*

§. I.

1. *Testamentum Auctore Justiniano ex eo appellatur, quod testatio mentis sit pr.* Inst. de *Testament. ord.* Num rectè? viderint Grammatici. Alii fortè melius testamentum à *testatione* derivant cum Ludwell. de *Utr. Volunt. p. 2. c. 1.*

§. II.

2. *Acceptiones testamenti occurruunt variæ.* Late sumptum etiam Codicillo complectitur per §. 3. Inst. de *Eo, cui libert. causâ.* Strictè vero, & propriè denotat eam ultimam voluntatem, quæ Codicillis opponitur. §. 1. Inst. de *Libert.* tot. iii. ff. & C. quæ *testam. facere possunt,* & ita interdum in proprio usurpatur pro tabulis testamenti. *Rubrica* aff. *testamen-*